



REPUBLIKA E SHQIPËRISË  
ENTI RREGULLATOR I SEKTORIT TË FURNIZIMIT ME UJË DHE  
LARGIMIT E PËRPUNIMIT TË UJËRAVE TË NDOTURA  
KOMISIONI KOMBËTAR RREGULLATOR

VENDIM  
Nr.26, datë 31.05.2019

**PËR LICENCIMIN E SHOQËRISË UJËSJELLËS PEQIN SH.A.**

Në mbështetje të nenit 13, 14, 15, 16 dhe 17 të ligjit nr. 8102 datë 28.03.1996 "Për kuadrin rregullator të sektorit të furnizimit me ujë dhe largimit e përpunimit të ujërave të ndotura", i ndryshuar (**Ligji nr. 8102**), VKM nr. 958, datë 06.05.2009 "Për miratimin e kategorive të licencimit dhe të procedurave për aplikim për licence" (**VKM nr.958**), si dhe vendimit të Komisionit Kombëtar Rregullator nr. 29 datë 08.12.2009 "Për procedurat e dhënies dhe rinovimit të licencave profesionale për subjektet juridike e fizike që ushtrojnë veprimtari në sektorin e furnizimit me ujë dhe largimit e përpunimit të ujërave të ndotura", e ndryshuar (**Rregullore e licencimit**),

**Komisioni Kombëtar Rregullator,**

në mbledhjen e datës 31.05.2019 pasi shqyrtoi çështjen me objekt: "Mbi miratimin e projekt vendimit "Për licencimin e shoqërisë Ujësajllës Peqin sh.a",

**Vëren se:**

1. Shoqëria Ujësajllës Peqin (**U Peqin**) me shkresën nr. 1 prot. datë 15.01.2019 dhe shkresës nr. 31 prot. datë 05.04.2019, ka paraqitur pranë Entit Rregullator të Sektorit të Furnizimit me Ujë dhe Largimit e Përpunimit të Ujërave të Ndotura (**ERRU**) kërkesën për licencim për shkak të mbarimit të afatit dhe shtimit të kategorisë së shërbimit të largimit të ujërave të ndotura.
2. Komisioni Kombëtar Rregullator (**KKRR**) e gjeti paraqitjen e kërkesës për licencim për shkak të mbarimit të afatit dhe shtimit të kategorisë së largimit të ujërave të ndotura të U Peqin në konformitet me kriteret dhe procedurën e parashikuar në VKM nr. 958 dhe Rregulloren e licencimit.
3. Referuar kërkesës dhe dokumentacionit shoqërues, rezulton:
  - a) Shoqëria U Peqin ofron shërbimin e furnizimit me ujë për 19 150 banorë dhe largimin e ujërave të ndotura për 7 600 banorë në Bashkinë Peqin si më poshtë:

- Zona e shërbimit me furnizim me ujë nga shoqëria U Peqin

Nr.	Njësitë administrative të Bashkisë Peqin	Qytetet dhe fshatrat në përbërje të Njësisë administrative	Popullsia e shërbyer
1	Peqin	Qyteti i Peqinit	7600
2	Karinë	Karine	1035
3	Pajovë	Pajove	935
		Lazarej	595
		Bishqem	620
		Garunje	120
		Paulesh	600
		Grykesh	610
		Cacabeze	195
4	Gjocaj	Rrumbullake	460
		Vashaj	1235
		Bardhas	425
5	Përparim	Perparim	345
		Fatishe	495
		Lolaj	285
		Urucaj+Copanaj	185
		Kodras	295
		Caushaj	135
6	Shezë	Sheze	360
		Pekisht	1110
		Trash	835
		Karthneke	360
		Algjinaj	315
<b>TOTALI</b>			<b>19 150 banorë</b>

**Shënim:** U Peqin popullsinë e shërbyer për çdo fshat e ka llogaritur në bazë të kontratave \* 5 banorë pasi nuk disponon të dhëna të detajuara për popullsinë në çdo fshat. Në 25 fshatra të Bashkisë Peqin, sh.a U Peqin nuk e ofron shërbimin e furnizimit me ujë.

- Zona e shërbimit me kanalizime nga shoqëria U Peqin

Nr.	Njësitë administrative të Bashkisë Peqin	Qytetet dhe fshatrat në përbërje të Njësisë administrative	Popullsia e shërbyer
1	Peqin	Qyteti i Peqinit	7600
<b>TOTALI</b>			<b>7600 banorë</b>

**Shënim:** Me rrjet të kanalizimeve të ujërave të ndotura mbulohet vetëm pjesa e qytetit, pasi në fshatra nuk kanë rrjet të kanalizimeve dhe operojnë me gropa septike.

- b) Drejtuesi teknik i shoqërisë z. Amarildo Xhyra mban titullin “Master Shkencor në Inxhinieri Hidroteknike” marrë në tetor 2017 pranë Universitetit Politeknik Tiranë.

4. ERRU në vlerësimin e kërkesës për licencim për shkak të mbarimit të afatit dhe shtimit të kategorisë së shërbimit të largimit të ujërave të ndotura ka marrë në konsideratë përmbushjen nga ana e U Peqin, të:
- Kërkesave të ligjit nr. 8102 si dhe kuadrit rregullator në fuqi, në mënyrë të veçantë plotësimin e kushteve si aftësi tekniko-profesionale, aftësi financiare të nevojshme për të përmbushur funksionet dhe për të plotësuar kushtet e licencës, përvojën në sektorin e ujësjellësve dhe kanalizimeve të mjaftueshme për të marrë përsipër detyrimet që ka licenca, si dhe mbrojtjen e interesave të konsumatorëve në lidhje me cilësinë, efikasitetin, vazhdueshmërinë dhe garancinë e shërbimit;
  - Kërkesave të ligjit nr. 9121, datë 28.7.2003 “Për mbrojtjen e Konkurrencës” të ndryshuar, (**ligji nr. 9121**) për mos lejimin e abuzimit me pozitën dominuese në treg të ndërmarrjes veçanërisht në lidhje me kufizimin e tregjeve;
  - Kërkesave të ligjit nr. 9902, datë 17.04.2008 “Për mbrojtjen e Konsumatorëve” të ndryshuar (**ligji nr. 9902**);
5. ERRU, në bazë të vlerësimit dhe verifikimeve të kërkesës së shoqërisë U Peqin, rekomandon:
- Shoqëria U Peqin duhet të aplikojë pranë ERRU për rishikimin e nivelit tarifor pas riorganizimit të shoqërisë sipas përcaktimeve të VKM nr. 63;
  - Shoqëria U Peqin duhet të aplikojë pranë ERRU për miratimin e tarifës volumetrike për Kanalizimin e Ujërave të Ndotura, i cili është shërbim i ri për këtë shoqëri.

Për gjithë sa më sipër Komisioni Kombëtar Rregullator, pasi arriti në përfundimin se kërkesa e U Peqin është e bazuar ligjërisht dhe plotëson kërkesat ligjore të parashikuara në kuadrin rregullator në fuqi,

### **VENDOSI:**

- Licencimin e shoqërisë Ujësjiellës Peqin sh.a me NUIS K78723108J në kategoritë:
  - Kategoria A - Për grumbullimin dhe shpërndarjen e ujit për konsum publik
  - Kategoria C - Për largimin e ujërave të ndotura
- Shoqëria Ujësjiellës Peqin sh.a autorizohet të kryejë veprimtaritë e licencuara me:
  - Drejtues Ligjor – Nazmi Toli
  - Drejtues Teknik – Amarildo Xhyra
- Zona e shërbimit të shoqërisë Ujësjiellës Peqin sh.a është Bashkia Peqin me Njësitë administrative si me poshtë:
  - Për kategorinë A - Për grumbullimin dhe shpërndarjen e ujit për konsum publik:
    - Peqin
    - Karinë (pjes.)
    - Pajovë (pjes.)

- d) Gjocaj (pjes.)
- e) Përparim (pjes.)
- f) Shezë (pjes.)

II. Për kategorinë C - Për largimin e ujërave të ndotura  
a) Peqin

- 4. Kjo licencë është e vlefshme për një periudhë 4 vjeçare.
- 5. Drejtuesi ligjor i shoqërisë Ujësjiellës Peqin sh.a detyrohet të nënshkruajë Kushtet e Licencës brenda 10 ditëve nga data e njoftimit.
- 6. Ngarkohet Drejtoria Teknike Ekonomike të njoftojë shoqërinë Ujësjiellës Peqin sh.a për marrjen e këtij vendimi.

Ky vendim hyn në fuqi menjëherë.  
Ky vendim publikohet në Fletoren Zyrtare.

**KRYETAR**

**Ndriçim Shani**